

“ЛЮКС ЗАНАДУ ГРУПП” ХК ХУВЬЦАА ЭЗЭМШИГЧДИЙН ХУРЛЫН ТЭМДЭГЛЭЛ

“Люкс занадугрупп” ХК-ийн хувьцаа эзэмшигчдийн ээлжит хурал 2019 оны 4-р сарын 30-ны өдрийн 12 цагт Улаанбаатар хотын Сүхбаатар дүүрэг, 1-р хороо, Реженс Резиденс байрны 314 тоот өрөөнд эхлэв.

Хурал зохион байгуулах комисс хурлыг холбогдох журамын дагуу зохион байгуулсан ба тооллогын комисс хуралд ирсэн хувьцаа эзэмшигчдийг холбогдох журмын дагуу бүртгэн авч нийт ирцийг танилцуулав.

Хувьцаа эзэмшигчдийн энэ удаагийн хуралд 78,965 ширхэг хувьцаа эзэмшдэг хувьцаа эзэмшигчид оролцсон нь Компанийн тухай хуулийн 69.1 дэх хэсгийн заалт, компанийн дүрмийн холбогдох заалтыг үндэслэн нийт саналын эрхтэй энгийн хувьцааны 95.28 хувийг эзэмшигчид хуралд оролцож байгаа учраас компанийн хувьцаа эзэмшигчдийн хурлыг хүчин төгөлдөрт тооцсон тогтоолыг тооллогын комиссын дарга уншиж танилцуулан, хурал хүчин төгөлдөр эхлэв.

Хувьцаа эзэмшигчдийн ээлжит хурлын дарга тус компанийн Гүйцэтгэх Захирал Г.Гомбо хурлыг нээж хүрэлцэн ирсэн хувьцаа эзэмшигчдэд талархал илэрхийлэв. Мөн тэрээр хурлаар хэлэлцэх асуудлуудыг танилцуулав.

1. Компанийн 2018 оны үйл ажиллагааны талаарх болон санхүүгийн тайланг хэлэлцэж батлах;
2. Компанийн цаашид хэрэгжүүлэх үйл ажиллагааны бизнес төлөвлөгөөг батлах
3. Ногдол ашиг хувиарлах эсэх тухай тайлагнах
4. Бусад

Гүйцэтгэх захирал Г.Гомбо компанийн 2018 оны болон 2019 оны үйл ажиллагааны төлөвлөгөө, цаашид явуулах үйл ажиллагааны төлөвлөгөө зэргийг багцлан танилцуулав.

Миний бие тус компанийн захирлаар ажилладаг ба мэдээлэлийн технологи, компьютерийн мэргэжилтэй.

“Люкс занадугрупп” ХК мэдээллийн технологи, интернет орчинд суурилсан үйлчилгээ, түүний шийдэл, зөвлөх үйлчилгээ, сургалт, маркетинг, олон нийтийн харилцаа, зар сурталчилгаа, бренд менежмент, бренд бүтээгдэхүүний худалдаа, аялал жуулчлалын үйлчилгээ болон түүний шийдэл гэх мэт технологийн салбарт үйл ажиллагаагаа явуулж байна.

Бид 2018 онд дотоодын болон гадаадын ижил төстэй үйл ажиллагаа явуулдаг компаниудтай уулзалтууд товлон амжилттай ажиллаа. Мөн 2018 онд төрийн байгууллага, яам тамгын газруудын тендерт шалгаран мэдээлэлийн сан бүрдүүлэх ажилд идэвхитэй ажиллаа. Компанийн үйл ажиллагааг идэвхжүүлэн сэргээх зорилгоор хөрөнгө оруулалтын эх үүсвэр хайх, нэмэлт хөрөнгө оруулалт татах зэрэг хүчин чармайлт гарган ажиллаа. Санхүүгийн хувьд 13.8 сая төгрөгийн ашигтай ажилласан.

Бид 5 компанийн вэб хуудас шинээр хийж программ хөгжүүлэлтэнд анхааран ажиллаж байна.

Монгол улсдаа мэдээллийн технологи, маркетинг, аялал жуулчлал, зөвлөх үйлчилгээний салбарт тэргүүлэгч компани болохын зэрэгцээ хэрэглэгч үйлчлүүлэгчиддээ хамгийн чанартай бүтээгдэхүүн үйлчилгээг найдвартай хүргэх замаар салбартаа манлайлагч болж өсөн дэвжих бол бидний зорилт байсаар байна. Хэрэглэгчийн эрэлт хэрэгцээнд нийцсэн, зах зээлд өрсөлдөх чадвартай бүтээгдэхүүн, үйлчилгээг хэрэглэгч, түншүүддээ үзүүлж санхүүгийн болон үйл ажиллагааны амжилттай үр дүнгээр хувьцаа эзэмшигчиддээ үнэ цэнэ бий болгох зорилготой ажиллаж байна.

Бид компютер, харилцаа холбоо, интернет маркетинг, бренд менежмент, тансаг зэрэглэлийн бүтээгдэхүүн үйлчилгээ зэрэг мэдээллийн технологи болон интернетэд суурилсан жижиглэнгийн худалдааны иж бүхэн үйлчилгээг хэрэглэгчдэд санал болгохыг зорьж байна.

Мэдээллийн технологи

Люкс Занаду Групп ХК нь мэдээллийн технологийн иж бүрэн үйлчилгээг хэрэглэгч харилцагчиддаа үзүүлэх бөгөөд үүнд програм хангамж, мэдээлэл холбооны тоног төхөөрөмж нийлүүлэлт, системийн интеграцчилал, байгууллагын нөөц төлөвлөлтийн системийн боловсронгуй болгох, үйлдвэрлэл, барилгын автоматжуулалт, мэдээлэл технологийн аудитын үйлчилгээг үзүүлэхээр төлөвлөж байна.

Интернетэд суурилсан үйлчилгээ, шийдэл

Интернетэд суурилсан үйлчилгээ, шийдэл

Зөвлөх үйлчилгээ

Мэдээллийн технологийн шийдлүүдийг ашиглан компанийн үйл ажиллагааны үр ашгийг дээшлүүлэх боломжийг эрэлхийлж дэвшилтэт оновтой шийдлийг харилцагчдад санал болгож гүйцэтгэлийг хэрэгжүүлэх цаашлаад үйл ажиллагаанд хяналт мониторинг зэрэгжлийн зөвлөгөөг үзүүлнэ.

Сургалт мэдээлэл

Мэдээллийн технологийн анхан шатны мэдээлэл олгох болон байгууллага, компанийн мэдээллийн технологи хариуцсан мэргэжилтнүүдэд Мэргэжил дээшлүүлэх сургалтыг зохион байгуулах

Цахим хуудас хөгжүүлэлт

Загварт суурилсан цахим хуудас хөгжүүлэлт, бүтээлч цахим хуудас хөгжүүлэлт, нэмэлт модуль хөгжүүлэлт, мобайл хөгжүүлэлт, онлайн худалдааны шийдэл, хостинг сервер, цахим хуудасны засвар үйлчилгээ

Хэвлэл мэдээлэл, онлайн шийдэл

Интернетэд суурилсан мэдээллийн хэрэгслийн үйлчилгээ

Маркетинг, харилцаа холбоо

Маркетингийн стратеги төлөвлөлт, зөвлөх үйлчилгээ

Зар сурталчилгаа

Интернет, мэдээллийн технологид суурилсан зар сурталчилгааны шийдэл, хөгжүүлэлт, хэрэгжилт үйл ажиллагааны төлөвлөгөө боловсруулах

Олон нийтийн харилцаа

Төрийн, олон нийтийн, олон улсын байгууллагууд, компани бизнесийн байгууллагуудын олон нийттэй харилцах стратеги, арга хэрэгслийг боловсруулах, олон нийтийн харилцаатай холбоотой үйл ажиллагааг зохион байгуулах

Брэнд менежмент

Зах зээлд шинээр нэвтрүүлэхээр төлөвлөж буй болон зах зээлд борлуулагчдаж буй бүтээгдэхүүн үйлчилгээний брендийн менежментийг гүйцэтгэх, зах зээлд брендийн үнэ цэнийг өсгөх

Аялал жуулчлалын менежмент


Аялал жуулчлалын менежмент

Люкс Занапу Групп ХК нь дээр дурдсан олон төрлийн бизнесийн шугамуудад үйл ажиллагаа явуулахаар төлөвлөж байгаа бөгөөд зах зээлийн судалгааны хэсэгт гол бизнесийн салбарууд болох мэдээллийн технологи болоод аялал жуулчлалын салбарын талаар дэлгэрүүлэн авч үзэх болно.

Мэдээллийн технологийн салбар

Мэдээллийн технологи, түүнтэй холбоотой салбаруудын зах зээл сүүлийн жилүүдэд эрчимтэй өсөж 2018 оны эцсын байдлаар салбарын нийт орлого 1263.2 тэрбум төгрөгт хүрсэн байна

Зураг 1. Салбарын нийт хөрөнгө оруулалт болон нийт орлого




Эх сурвалж: МХХТГ

Эх сурвалж: МХХТГ

Мэдээллийн технологийн салбарын хөрөнгө оруулалтын хэмжээ 2018 онд -8.52% буурч 179.3 тэрбум төгрөгт хүрсэн байна. Нийт хөрөнгө оруулалтын дийлэнх хэсэг нь үүрэн холбооны салбарт хийгдсэн бөгөөд энэхүү хөрөнгө оруулалтын үр дүнд Монгол Улс утасгүй холбооны сүлжээгээр хангагдаж дуусч байна. Үүрэн холбооны сүлжээ хамрах хүрээ нэмэгдэж байгаатай уялдан устай, утасгүй интернэтийн хэрэглээний түвшин нэмэгдэж байгаа бөгөөд 2012 нийт интернет хэрэглэгчийн тоо 654.0 мянга байсан бол энэ тоо нь 2018 онд 3,989.3 мянган хэрэглэгч болтол өсжээ.

Зураг 2. Монголын үүрэн холбооны хэрэглэгчийн мэдээлэл




Эх сурвалж: МХХТГ

Эх сурвалж: МХХТГ

Гэвч Монгол улс интернет хэрэглээний түвшингээр хөгжингүй, хөгжингүй орнуудын үзүүлэлттэй харьцуулахад доогуур хэвээр байгаа нь тус зах зээлд цаашдын хөгжлийн боломж байгаа гэдгийг харуулж байна.

Зураг 3. Монголын интернет хэрэглэгчдийн тоо



Аялал жуулчлал

Үндэсний статистикийн хорооны мэдээгээр 2018 онд давхардсан тоогоор 6.1 сая зорчигч нэвтэрсэн байна. Энэ нь өнгөрсөн оноос 153.7 (2.6%) мянгаар өссөн үзүүлэлттэй байна. Улсын хилээр гадаадын 598.4 мянган хүн орсон нь өмнөх оноос 4.0 (10.3%) мянгаар өсчээ. Гадаадын зорчигчдын 72.2% хувь нь аялал жуулчлалын зорилгоор хилээр орсон нь байна. Хилээр орсон гадаад зорчигчдын 36.2 хувийг БНХАУ-ын иргэд, 22.3 хувийг ОХУ-ын иргэд, 14.4 хувийг БНСУ-ын иргэд, 3.6 хувийг Япон улсын иргэд, 3.2 хувийг АНУ-ын иргэд, 2.7 хувийг Казахстан улсын иргэд, 17.6 хувийг бусад улсын иргэд эзэлж байна. Монголын аялал жуулчлалын салбарын өсөлтөд нөлөөлж буй гол хүчин зүйл нь улиралын онцлог болон аялалын маршруттай холбоотой дэд бүтэц юм. Нийт аялагчдын 80% нь зөвхөн зуны сарууд болох 5-аас 8-р саруудад ирдэг байна. Хэдийгээр тийм ч сүүлийн үед Монгол улсын засгийн газар аялал жуулчлалын салбарыг улсын хөгжилд ихээхэн хувь нэмэр оруулж чадах гол салбар гэж харж байгаа ба Монгол улсын засгийн газар жилд хамгийн багадаа 1 сая жуулчдыг татана гэсэн зорилго тавьсан. Иймдээ ч засгийн газар хувийн секторын оролцоог дэмжихийн тулд тоо томшгүй олон алхмуудыг хийгээд байна. Холбогдох бусад мэдээлэлийг та бүхэнд тарааж өгсөн материалаас дэлгэрүүлэн харахыг хүсье.

Хувьцаа эзэмшигч Тоза веллнесс сервисес ХХК түүнийг төлөөлж Сайдаброр:

- Компани хүний нөөцийн хувьд маш цөөн хүнтэй ажиллаж байгаа ч гэсэн сайн ажилласан байна гэж бодож байна.

Хувьцаа эзэмшигч “Мезза Файнэншил групп” ХХК түүнийг төлөөлж Камоллиддин Талипов:

- Төрийн байгууллагуудын тендерт шалгарч амжилттай ажиллаж, хариуцсан ажлаа хүлээлгэж өгнө гэдэг бол маш сайн байна. Цаашид ч олон тендерт шалгарч ашиг орлоготой сайн ажиллана гэдэгт итгэлтэй байна.

Гүйцэтгэх Захирал Г.Гомбо:

- Бид цаашид хүчин чармайлт гарган сайн ажиллах болно. Та бүхнийхээ санал, дэмжлэгт баярлалаа.

Хувьцаа эзэмшигчид: Ногдол ашиг хувиарлахгүй тухай тайлбарыг бүрэн ойлгож байна.

Хувьцаа эзэмшигчдээс өөр санал, асуулт гараагүй тул санал хураалтыг эхлэв.
Саналын хуудсыг тооллогын комисст хүлээлгэн өгсний дараа хурлын дарга
Хувьцаа эзэмшигчдийн хурлын шийдвэрийн төслийг танилцуулав. Тооллогын
комиссын дүнг тооллогын комиссын дарга танилцуулав. Санал хураалтанд хуралд
оролцогчид 100% оролцож нийт саналын хуудас дахь асуулгыг 100% дэмжсэн
байна.

“Люкс занаду групп”ХК-ийн 2019 оны 4 сарын 30-ны өдрийн хувьцаа эзэмшигчдийн
ээлжит хурлаар хэлэлцсэн асуудлын дагуу **ШИЙДВЭРЛЭСЭН НЬ:**

1. Компанийн 2018 оны үйл ажиллагааны талаарх тайланг батлах;
2. Компанийн 2019 оны хэрэгжүүлэх бизнес төлөвлөгөөг батлах ,
3. Ногдол ашиг хувиарлах эсэх тухай тайлагнах
4. Бусад

Хурлын дарга Г.Гомбо хурлыг хаав.
Хурал: 13.20 цагт өндөрлөв.

Хурлын дарга: Г.Гомбо

Тэмдэглэл хөтөлсөн: Э.Саранчимэг

